


Broj: 03-017-2773/2021

Dana; 24.03.2021. godine

SKUPŠTINA UNSKO-SANSKOG KANTONA



PREDMET: Program rada za 2021. godinu sa finansijskim planom JP „RTV USK-a“ d.o.o. Bihać, dostavljaju se

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), a u vezi sa članom 2. stav (2) Odluke o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona („Službeni glasnik Unsko-sanskog kantona“, broj: 3/14), u prilogu vam dostavljamo Program rada za 2021. godinu sa finansijskim planom JP „RTV USK-a“ d.o.o. Bihać, uz sljedeće:

O b r a z l o ž e n j e

Vlada Unsko-sanskog kantona je na svojoj 223. sjednici održanoj dana 24.03.2021. godine razmatrala i Zaključkom broj: 03-017-2773/2021, prihvatila Program rada za 2021. godinu sa finansijskim planom JP „RTV USK-a“ d.o.o. Bihać, predlagača Ministarstva obrazovanja, nauke, kulture i sporta.

Kako je članom 2. stav (2) Odluke o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona, propisano da su javne i zdravstvene ustanove, javna preduzeća, zavodi, službe, fondovi čiji je osnivač Skupština Kantona ili tijela i lica koja imenuje, potvrđuje ili razrješava Skupština, dužni program rada i izvještaj o radu dostaviti Skupštini Kantona na način utvrđen u ovoj odluci, u prilogu akta dostavlja vam se na razmatranje Program rada za 2021. godinu sa finansijskim planom JP „RTV USK-a“ d.o.o. Bihać.

poštovanjem,


Prilog: Program rada za 2021. godinu sa finansijskim planom JP „RTV USK-a“ d.o.o. Bihać (6x)

Dostavljeno:

1.Naslovu

2.a/a

PREMIJER KANTONA
mr.sci. Mustafa Ružnić



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva obrazovanja, nauke, kulture i sporta, Vlada Unsko-sanskog kantona na sjednici održanoj dana 24.03.2021. godine, donosi :

ZAKLJUČAK

I

Prihvata se Program rada za 2021. godinu sa finansijskim planom JP „RTV USK-a“ d.o.o. Bihać, s tim da se isti uputi Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-2773/2021
Bihać, 24.03.2021. godine



PREMIJER KANTONA
mr.sci. Mustafa Ružnić

**Radio-televizija Unsko-sanskog
kantona d.o.o. Bihać**

502. Viteške brigade 11, 77000
Bihać, BiH
Tel/fax: +387/37/222-701;
Redakcija: 222-705; Desk: 226-198;
Marketing: 226-487; Radio: 222-679



www.rtvusk.ba

**Public company Radio Television
of Una-Sana Canton, LLC Bihac**

11,502. Viteške brigade Street
77000 Bihac, BiH
Tel/fax: +387/37/222-701;
Newsroom: 222-705;
Newsdesk: 226-198;
Marketing: 226-487; Radio: 222-679

Broj: 04-01/21

Datum: 03.02.2021. godine

**PROGRAM RADA
ZA 2021. GODINU
SA FINANSIJSKIM PLANOM**

Bihać, januar 2021. godine

Sadržaj:

1. UVOD I PRAVNI OSNOV ZA DONOŠENJE PROGRAMA RADA ZA 2021 GODINU	3
1.1. Misija	4
1.2. Opći ciljevi	4
1.3. Organizaciona struktura.....	5
2. SEKTOR PRATEĆIH SLUŽBI	6
2.1. Redovni i posebni poslovi i radni zadaci.....	6
2.2. Imovinsko-pravni odnosi	7
2.3. Predajnici i repetitori	9
2.4. Vozni park	9
2.5. Opsluživanje upravljačke strukture	10
2.6. Radne prostorije.....	10
2.7. Održivost investicije	11
2.8. Zaključivanje ugovora o pružanju usluga i naplata potraživanja od dužnika.....	12
2.9. Nastupanje prema osnivaču	12
2.10. Javne nabavke	12
2.11. Ljudski resursi.....	13
2.12. Uštede	14
3. PROGRAM RADA TELEVIZIJE UNSKO-SANSKOG KANTONA ZA 2021. GODINU	15
3.1. Uvod	15
3.2. Produkcija.....	17
3.3. Kadrovske pretpostavke	18
3.4. Programski zadaci.....	19
3.5. Programska shema.....	21
3.6. Zaključak	24
4. PLAN I PROGRAM RADIJA RTV USK ZA 2021. GODINU	26
4.1. Uvod	26
4.2. Informativni program	26
4.3. Obrazovni program.....	27
4.4. Dokumentarni program.....	28

4.5.	Muzičko - revijalni program.....	29
4.6.	Marketinški program	29
4.7.	Vjerski program	30
4.8.	Sportski program	30
4.9.	Web i prezentacija na društvenim mrežama	30
4.10.	Ljudski resursi i kapacitet programa	31
4.11.	Težišni zadaci u 2021. godini	31
4.12.	Zaključak.....	32
5.	FINANCIJSKI PLAN ZA 2021. GODINU.....	33
5.1.	Prihodi	34
5.2.	Rashodi	35
5.3.	Investiciona ulaganja – kupovina i sanacija	40
5.4.	Rekapitulacija planiranih rashoda	41
5.5.	Zbirna rekapitulacija.....	42

1. UVOD I PRAVNI OSNOV ZA DONOŠENJE PROGRAMA RADA ZA 2021 GODINU

JP Radio- televizija Unsko sanskog kantona d.o.o. osnovana je 22.12.1995. godine upisom u sudski registar br:U/I-768/95. Bavi se pripremanjem, proizvodnjom, reprodukcijom, difuzijom i prijenosom vlastitih radio-televizijskih sadržaja namijenjenih javnosti Unsko-sanskog kantona i šire, održavanjem i razvojem vlastite tehničke osnove, proizvodnjom i plasmanom marketinških poruka, te drugim srodnim djelatnostima. Svoju zadaću počeli smo odgovorno vršiti odmah nakon formiranja ove medijske kuće, tako da su upravo naše ekipe krajem 1995. i 1996. godine prve ušle u povratnička naselja i ukazali na potrebu solidarnosti i podrške.

Redakcije, odjel produkcije i tehnička služba pripremaju i emituju informativni, dokumentarni, obrazovni, kulturno-zabavni, sportski, dječiji i vjerski program, te zaseban radijski program. Svakodnevno emitujemo više od 16 sati televizijskog i 24 sata radijskog programa, od čega više od 50 posto u vlastitoj produkciji. Signalom pokrivamo prostor osam općina Unsko-sanskog kantona, kao i dijelove RS-a (Bosanski Novi, Prijedor, Bosanska Kostajnica...). Program TV USK-a je u paketu Moje TV-BH Telecoma i drugih kablovskih operatera tako da vjernost gledalaca stičemo u cijeloj BiH, a putem web stranice mogu se pratiti sve vijesti koje priprema naša redakcija, zatim vijesti iz zemlje, regije i svijeta, emisije i dokumentarne reportaže u video arhivi. Naša web stranica ima prosječnu dnevnu posjetu 50.000 hiljada posjetilaca, mjesečno u zimskom periodu i preko milion posjeta. Službe za ekonomsko-finansijske i marketinške poslove uspješno posluju i održavaju partnerske veze sa većim brojem uspješnijih preduzeća na prostoru Bosne i Hercegovine, a što se tiče Unsko-sanskog kantona tu je već puno teže, jer preduzećima sa našeg kantona nužno moramo pomagati po najnižim cijenama, jer za ozbiljniju poslovnu saradnju nemaju novac. Sasvim razumno kada znamo da u proteklom periodu je sve više firmi koje se gase, a ljudi su okrenuti tražiti posao van kantona i države. Uglavnom uvijek smo tu za pomoć i saradnju i cijene za naše privrednike su uglavnom posebno kreirane.

Način finansiranja JP RTV USK je budžetski, većim dijelom javno preduzeće se finansira putem granta na budžetu USK (isključivo za plaće uposlenih) koji odobrava Vlada USK, dok se ostalo finansira vlastitim sredstvima – marketing, produkcija i sl., a tokom godine realiziraju se i projekti manjeg obima koji se dijelom ili u potpunosti finansiraju donatorskim sredstvima.

Ukupni budžet za 2020. godinu iznosio je 2.152.491,52 KM, od toga 1.690.000,00 KM su sredstva iz budžeta Kantona, dok se ostatak od 462.491,52 KM odnosi na vlastita sredstva. Oblik računovodstva je interni. U 2020. godini održani su redovni Lokalni izbori, što je obaveza praćenja medijske kampanje i predstavljanja političkih subjekata, ali isto tako obaveza praćenja niza drugih događaja u Unsko-sanskom kantonu kojima tradicionalno posvećujemo punu pažnju. Cijenimo da ćemo znati odgovoriti svim planiranim i neplaniranim obavezama i potrebama. Želimo i dalje afirmirati naš informativni program kao najprofesionalniji i

najobjektivniji u Unsko-sanskom kantonu, kao i sve druge programe, znači i dalje želimo zadržati lidersku poziciju i nastaviti biti najobjektivniji, najtransparentniji i najbrži medij, pogotovo kada je u pitanju naša web platforma.

Obaveza donošenja Programa/Plana poslovanja u javnim preduzećima i F BiH propisana je odredbama člana 22. Do 24. Zakona o javnim preduzećima („Sl. Novine F BiH“) broj 08/05 i 81/08, te članovima 26., 45., 94., 95. i 96. Statuta Javnog preduzeća Radiotelevizija Unsko-sanskog kantona, d.o.o. Bihać s kojima je propisano da nadzorni odbor na prijedlog Uprave Društva utvrđuje prijedlog godišnjeg programa/Plana rada i upućuje ga Skupštini Društva na konačno usvajanje.

1.1. Misija

RTV USK ima konstantni zadatak i on se ne mijenja, to je: svaki programski plan ostvariti u skladu sa zahtjevima postavljenim pred javni servis, ispoštovati do kraja etičke i profesionalne standarde, te propisane omjere navedene u Zakonu i dozvoli RAK-a.

Najkvalitetniji i najkreativniji ljudi RTV USK rade najbolje radijske, televizijske, internetske i online programske sadržaje u okviru materijalnih mogućnosti i profesionalnih kriterija, a u punoj slobodi.

Svi u RTV USK timski i ponosno radimo u proizvodnji programa na dobrobit i zadovoljstvo naše publike svih dobnih skupina. Postojimo za javnost i njezin nam je interes vrhovna vrijednost. Ispunjavajući svakoga dana zahtjeve javnog servisa, definirane na osnovu zakona, u prikladnoj mjeri sudjelujemo i u tržišnoj utakmici i poštujemo zakone tržišta.

Oslikavamo naš kanton u svim njegovim osobnostima, sličnostima i raznolikostima i ljepotama. Vodimo se načelima: demokracije, slobode, odgovornosti, poštenja, tolerancije, stručnosti i pluralizma.

1.2. Opći ciljevi

- Financijska stabilizacija
- Programsko i poslovno prilagođavanje ustroja i svih planova novim zadacima,
- Viši iskorak proizvodnje u sfere domaćeg i regionalnog tržišta,
- Dosljedno ispunjenje funkcije javnog servisa građana na svim medijskim platformama
- Rješavanje poslovnog prostora za smještaj JP RTV USK

1.3. Organizaciona struktura

U cilju funkcionalne podjele rada poslovi iz djelatnosti društva obavljaju se u okviru organizacionih jedinica društva.

Na osnovu Pravilnika o organizaciji i radnim mjestima JP RTV USK, organizacionu strukturu čine:

- Uprava Društva /generalni direktor i 2 izvršna direktora programa/
- Sektor pratećih službi u čijem sastavu su: odjeljenje općih, kadrovskih i pravnih poslova i služba prijenosa i emitovanja programa Radija i Televizije
- Sektor komercijalno - financijskih poslova u čijem sastavu su: odjeljenje financija i odjeljenje komercijalnih poslova (nabava, prodaja - marketing)
- Sektor proizvodnje i emitovanja programa Televizije
- Sektor proizvodnje i emitovanja programa Radija

2. SEKTOR PRATEĆIH SLUŽBI

2.1.Redovni i posebni poslovi i radni zadaci

Pored redovnog izvršavanja svih poslova i radnih zadataka iz opisa poslova po radnim mjestima unutar Sektora pratećih službi posebna pažnja biće usmjerena na efikasnije izvršavanje radnih zadataka i aktivnosti u pogledu:

- sveobuhvatnijeg planiranja i izvršavanja poslova i radnih zadataka u rješavanju izbora i imenovanja upravljačke strukture sukladno pozitivnim propisima u Društvu, opsluživanju tih struktura iz njihove nadležnosti i izvještavanju o uspješnosti svakog organa;
- potrebne radnje i aktivnosti na potpisivanju Kolektivnog ugovora sa Osnivačem sukladno članu 138a. stav 2. Zakona o izmjenama i dopunama Zakona o radu („Službene novine FBiH“ broj: 89/18 od 09.11.2018.godine);
- praćenje i uključivanje u proces postupaka Regulatorne agencije za komunikacije BiH u pogledu prelaska sa analognog na digitalno emitovanje;
- rješavanje stambenog statusa Preduzeća gradnjom novom ili kupovinom drugog objekta koji odgovara obavljanju osnovne djelatnosti Preduzeća ili rješavanje pitanja građevinskog objekta restoran „Crvena zvijezda“ koji je dodijeljen za potrebe smještaja JP „RTV USK-a“ D.O.O. Bihać (adaptacija, rekonstrukcija i dogradnja postojećeg objekta);
- usklađivanje općih akata u Društvu;
- praćenju naplate potraživanja Društva, brže postupanje u sudskim sporovima, što boljem ugovaranju pružanja usluga od strane Društva, učešća Društva u svojstvu naručioca i ponuđača u postupcima javne nabavke;
- dalje rješavanje imovinskopравnih odnosa za sve objekte kojima raspolaže Društvo, praćenje realizacije Ugovora o zakupu, održavanje postojeće prijenosne opreme za emitovanje Radio i TV programa;
- izradi nacrti i prijedloga Pravilnika o unutrašnjoj organizaciji i sistematizaciji radnih mjesta sa vrednovanjem svakog radnog mjesta te razmatranje i usvajanje od strane Nadzornog odbora i Skupštine Društva;
- ažuriranje i vođenje potrebnih evidencija, tekući poslovi za pripremu revizije Izvještaja o poslovanju, pripremi popisa na kraju poslovne godine.
- priprema sjednica upravljačke strukture, donošenje potrebnih Odluka i drugih akata iz njihove nadležnosti u skladu sa zakonom.

U toku 2021.godine Uprava Društva će:

- redovno pratiti i upravljati likvidnošću Društva,
- vršiti planiranje poznatih i potencijalnih novčanih odliva i priliva, s obzirom na redovni tok poslovanja,
- vršiti određivanje odgovarajućih mjera za sprečavanje ili otklanjanje uzroka nelikvidnosti i identificirati druge mogućnosti za dotok novca,
- dosljedno izvršavati novčane obaveze,
- držati se rokova izvršenja novčanih obaveza u poslovnim transakcijama između Društva i povjerilaca,
- primjenjivati druge mogućnosti prema odredbama Zakona o finansijskom poslovanju.

Budući da je na vrijeme dat zadatak organizacionim službama da pripreme i izrade godišnji Plan i Program rada sa Finansijskim planom za 2021.godinu kao i godišnji Izvještaj o radu za 2020.godinu sukladno Odluci o metodologiji i rokovima za izradu Programa rada i izvještaja o radu koji se upućuju Skupštini i Vladi Unsko-sanskog kantona („Sl. glasnik USK-a“) broj: 3/14 od 20.02.2014.godine potrebno je donijeti:

1. Odluku o usvajanju godišnjeg Programa rada sa finansijskim planom Društva za 2021.godinu;
2. Odluka o usvajanju godišnjeg Izvještaja o radu Društva sa finansijskim izvještajem za 2020.godinu sa potrebnom Odlukom o popisu stanja na dan 31.12.2020.godine i drugim Odlukama Nadzornog odbora i Uprave Društva;
3. Odluka o usvajanju Finansijskog izvještaja za 2020.godinu od strane Nadzornog odbora radi predaje Bilansa stanja i Bilansa uspjeha za 2020.godinu u zakonskom roku;
4. Odluku o izboru vanjskog revizora za reviziju godišnjeg Izvještaja o radu sa Finansijskim izvještajem za 2020.godinu;
5. Odluku o usvajanju Pravilnika o unutrašnjoj organizaciji i sistematizaciji radnih mjesta sa vrednovanjem svakog radnog mjesta;
6. Odluku o načinu i kriterijima za davanje u zakup objekata i stupova koji su vlasništvo JP „RTV USK-a“ D.O.O. Bihać,
7. Poslovi i aktivnosti oko evidencije i plaćanja naknade za autorsko i srodna prava;
8. Tekući opći i pravni poslovi.

2.2.Imovinsko-pravni odnosi

U svim prethodnim godišnjim izvještajima o radu ovog Sektora kao i godišnjim izvještajima o radu i programima rada Društva izneseno je stanje što se tiče imovinsko-pravnih odnosa Društva koji se odnose na sve lokacije emisionih objekata (predajnika i repititora), a posebno za 6 (šest) objekata izgrađenih poslije rata i 20 objekata koji su obnovljeni i stavljeni u funkciju za uspostavu televizijske i radijske mreže na teritoriji Unsko-sanskog kantona, a koje je investiralo Društvo i Vlada USK-a.

Imovinsko-pravni odnos, odnosno pravo vlasništva riješeno je za Relejnu stanicu Velika Gomila, a za Relejnu stanicu Brekovica riješena je urbanistička saglasnost.

Što se tiče RS Velika Gomila to je prvi objekat koji je izgrađen gotovo u toku rata i JP „RTV USK-a“ d.o.o. Bihać investiralo je ukupnu cijenu koštanja prilaznog puta, vazdušnog dalekovoda i otkupa zemljišta od općine Cazin kao i stup i objekat. Na današnji dan pored našeg objekta i objekta BH Telecoma izgrađen je i objekat HT Eronet bez naše saglasnosti, a ostali objekti su rađeni od strane privatnih poduzetnika, takođe bez našeg znanja i saglasnosti.

Da bi se ova pitanja rješavala potrebno je izdvojiti znatna finansijska sredstva kao i broj angažiranih stručnih radnika. Procedure upravnih postupaka legalizacije ovih objekata se provode u skladu sa postojećim pozitivnim propisima mada su objekti u funkciji više od 20 godina (novoizgrađeni), a prijeratni i više od 30 godina.

Međutim da bi se generalno riješilo ovo pitanje potrebno je da se imenuje stručni tim predstavnika ovog Društva, Osnivača i korisnika ovih objekata. Na svim objektima je oprema Društva koju koriste drugi, a da prethodno ova problematika nije uređena sporazumom ili ugovorom o pravima i obavezama. To se posebno odnosi na lokacije: Hairlahovića Brdo, općina Cazin; Vršić, općina Bosanski Petrovac; Keserovića Brdo, općina Velika Kladuša i Kobilnjak, općina Bosanska Krupa. Ove objekte su preuzele, pored BHRT i FTV, lokalni mediji ili lokalne zajednice, a da JP „RTV USK-a“ d.o.o. Bihać kao kantonalni medij – javni servis nije o tome obavješten, mada je na istima oprema koja je naše vlasništvo. Dosta objekata je preuzeo BHRT po rješenju općine na čijem teritoriju se isti nalazi. Dakle, međusobna prava i obaveze trebalo bi urediti sa svima, a što se tiče novih 6 objekata pitanje prava raspolaganja odnosno vlasništva treba urediti sa općinama na čijem teritoriju se emisioni objekt nalazi.

Ove aktivnosti potrebno je uraditi u toku 2021. godine za preostalih 6 objekta i to:

1. Lohovo, općina Bihać,
2. Vitorog, Lušci Palanka,
3. Lokveni Vrh, općina Sanski Most,
4. Ćatići, Donji Kamengrad,
5. Došci, Gornji Kamengrad i
6. Vrnograč, općina Velika Kladuša.

Budući da je Televizija Unsko-sanskog kantona uspjela uz pomoć Osnivača da u toku 2016.godine nabavi svu opremu za proizvodnju digitalnog signala i da već emituje digitalni signal u HD rezoluciji i da takav signal primaju gledaoci koji su korisnici kablovskih operatera i da će isti signal primiti i drugi građani/gledaoci kada se pitanje emitovanja digitalnog signala rješi na nivou BiH, neophodno je u toku 2021.godine ove odnose riješiti u potpunosti.

Prioritet u ovim aktivnostima imat će objekti koji će se uzeti u mrežu emitovanja digitalnog signala. Za sada znamo da je to RS Velika Gomila, RS Lokveni Vrh, RS Lohovo i RS Brekovica.

Budući da prijenos digitalnog signala neće vršiti emiteri radio- televizijskog programa već da će emiter plaćati mjesečno ili godišnje naknadu za prijenos emitovanog programa, što se tiče postojeće infrastrukture JP „RTV USK-a“ D.O.O. Bihać, neophodno je riješiti sva prava na postojeće objekte koji su vlasništvo Društva ili Društvo ima prava raspolaganja po osnovi investicija u opremu i objekte ili druga prava na postojeće lokacije kako bi se eventualno kompenziralo ili dalo na korištenje lokacija, a time troškovi prijenosa sveli na što manju cijenu.

Ovaj Sektor u tom pogledu mora biti maksimalno uključen i odraditi sve pravne i druge poslove u korist Društva.

2.3. Predajnici i repetitori

Snimljeno je stanje obilaskom svih objekata na terenu u pogledu ispitivanja i mjerenja jačine signala na predajnicima i repetitorima na svim objektima. Nakon snimljenog stanja pristupilo se sanaciji. Na RS Velika Gomila postavljen je jači radio i tv. predajnik. Na RS Brekovića postavljen je jači tv. predajnik. Na drugim lokacijama vršena su pojačanja postojećih predajnika i repetitora.

U toku 2021.godine nastaviti sa planom i intenzivnijim održavanjem postojeće opreme, s obzirom na dotrajalost iste i dotrajalosti građevinskih objekata u kojima je smještena oprema za prijenos radio i tv. programa.

2.4.Vozni park

Krajem 2014.godine izvršena je nabavka rabljenog terenskog vozila marke Lada NIVA za potrebe PEP-a koja do sada ima pređenih oko 118.984 km. Ovim je riješen problem terenskog vozila, a samim tim normalan rad Službe PEP-a.

Pored spomenutog vozila JP „RTV USK-a“ d.o.o. Bihać ima putničko vozilo marke DACIA koje je nabavljeno 2008.godine, a do sada je prešlo oko 248.128 km. Vozilo se često kvari i što je starije veći su troškovi opravki i održavanja.

Škodu Oktaviju Preduzeće je dobilo na korištenje od Vlade USK, vlasništvo je sa Kantonalne inspekcije upisano na Preduzeće. Pređena kilometraža je oko 186.771.000 km.

U 2019. godini Preduzeće je kupilo još jedan automobil marke Škoda Fabia i do sada je prešlo oko 23.419 km.

2.5. Opsluživanje upravljačke strukture

U 2021. godini svesti rad upravljačke strukture, odnosno održavanje redovnih sjednica u okviru perioda koji su propisani zakonom i to:

- a) Skupštine Društva svakih 3 mjeseca,
- b) Nadzornog odbora, 1x svakog mjeseca,
- c) Odbora za reviziju tromjesečno i
- d) Uprave Društva u kontinuitetu.

Opsluživanje, odnosno priprema materijala za redovne sjednice u rokovima koji su propisani poslovnica o radu ovih organa.

2.6. Radne prostorije

JP „RTV USK-a“ d.o.o. Bihać smještena je u prostorije Javne ustanove „Kulturni centar“ Bihać s kojom nije zaključila Ugovor o zakupu za 2021. godinu, jer je cijena najma po m² previsoka u odnosu na realno stanje objekta koje se daje u najam.

Naime, krov građevinskog objekta prokišnjava duži period od 10 godina, a da zakupodavac na traženje zakupoprimalca nije intervenisao na otklanjanju nedostataka, o čemu postoje pisani tragovi. To je, unatoč postupanju JP „RTV USK“ d.o.o. Bihać s pažnjom dobrog domaćina, uzrokovalo dodatna oštećenja i stvorilo neuslovnost objekta za obavljanje naše djelatnosti.

U toku 2021. godine neophodno je riješiti smještaj, odnosno radni prostor za JP „RTV USK-a“ d.o.o. Bihać. Poznato nam je koliko traju procesi javnih nabavki, što ćemo u potpunosti poštovati, ali kako se već uveliko kasni neophodno je napraviti dobru pripremu kako bi započeli rješavanje smještaja u skladu sa intencijom Uprave preduzeća.

U tom smislu, od osnivača, odnosno Skupštine USK-a zatraženo je da se u Budžetu za 2020. godinu planira iznos od 300.000 KM za rješavanje kapitalne investicije - smještaja JP „RTV USK“ d.o.o. Bihać. Sredstva su na račun Preduzeća doznačena u decembru 2020. godine, a tokom 2021. godine bit će investirana u rješavanje kapitalne investicije - uslovnog smještaja za obavljanje poslova iz osnovne djelatnosti Preduzeća.

TROŠKOVI	Mjesečni trošak u 2020. god.	Godišnji trošak za 2021. god.
1. Troškovi zakupnine poslovnih prostorija	3.000,00 KM	36.000,00 KM
2. Troškovi električne energije	6.000,00 KM	72.000,00 KM
Ukupni trošak (1+2):	/	108.000,00 KM

Tabela 1. : Troškovi zakupnine i električne energije

KREDIT DUGOROČNI	IZNOS
1. Kredit dugoročni 10 god. / 120 mjeseci	300.000,00 KM
2. Kamate na kredit	63.758,56 KM
3. Mjesečna rata / anuitet	2.500,00 KM
Ukupni trošak kredita (1+2):	363.758,56 KM

Tabela 2. : Troškovi dugoročnog kredita

2.7. Održivost investicije

Već 25 godina JP RTV USK d.o.o. Bihać u neuslovnom objektu obavlja svakodnevno svoje djelatnosti i nikada nije prestala sa radom, produkcijom i emitovanjem, pa čak ni u najtežim okolnostima za radnike i preduzeće. Sredstva koja su u tom dugogodišnjem periodu utrošena na zakup, električnu energiju, grijanje i održavanje, su ogromna i pokazuju koliko su promašena investicija.

Pored toga, odnos JU Kulturni centar Bihać prema nama kao zakupoprimcima se svodi samo na potraživanja zakupnine, a godinama se zanemaruje neuslovnost objekta uslijed zanemarivanja i neodržavanja osnovnih uslova objekta od strane zakupodavca.

Neodrživost nastavka rada u ovakvom prostoru, pored pogubnih efekata na zdravlje i sigurnost uposlenih, te gostiju i klijenata koji su dio naših svakodневnih djelatnosti, ogleda se i u prijetnji po funkcionisanje i sigurnost visoko osjetljive tehničke opreme koja je osnovno sredstvo za rad u JP RTV USK d.o.o. Bihać.

Uz podršku osnivača, tj. Skupštine USK, koju smo već dobili, te vlastitim ulaganjima u rješavanje dugogodišnjeg problema neadekvatnog smještaja – radnog prostora, preduzeće bi prije svega povećalo i vlastiti kapital, a što bi dugoročno smanjilo troškove i poboljšalo svakako uslove, kao i motivaciju radnika za dalji što uspješniji rad. Iz prikazanog pregleda sadašnjih troškova za zakup poslovnih prostorija i posebno visokih troškova električne energije, kako se i grijemo, u paraleli sa mogućim, odnosno planiranim kreditnim zaduženjem, više je nego evidentno da bi investicija za rješavanje poslovnog prostora bila isplativa. Smatramo da ukoliko je preduzeće opstalo i godinama plaćalo sve obaveze drugima u skladu sa mogućnostima, bez da ugrozi osnovnu djelatnost, može i treba da investira u vlastiti prostor i trajno riješi svoj problem smještaja, koji traje 25 godina..

2.8. Zaključivanje ugovora o pružanju usluga i naplata potraživanja od dužnika

U toku 2020.godine JP „RTV USK-a“ d.o.o. Bihać nije podiglo niti jednu tužbu radi naplate ili iz drugih razloga.

Prilikom zaključivanja ugovora treba primjenjivati odredbe Zakona o unutrašnjem platnom prometu („Sl. novine FBiH“ broj: 48/15), Uredbu o plaćanju gotovim novcem („Sl. novine FBiH“ broj: 48/15), Pravilnik o transfernim cijenama („Sl. novine FBiH“ broj: 67/16), Zakon o finansijskom poslovanju („Sl. novine FBiH“ broj: 48/16), a vršiti pripreme za primjenu novih zakona koji su u fazi usvajanja.

Isto tako prilikom zaključivanja ugovora sa poslovnim partnerom treba tražiti: aktuelni izvod iz sudskog registra, dokaz o glavnom transakcijskom računu, preduzeća s kojim bi se zaključio ugovor kako bi se ostvario uvid u visinu osnovnog kapitala preduzeća i ostale reference koje pokazuju uspješnost privrednog subjekta s kojim zaključujemo ugovor, a ukoliko se naplata ne uspije izvršiti prije isteka jedne godine, u toku iste ići na utuženje. O tome voditi urednu evidenciju u računovodstvu i u Sektoru pratećih službi. Na taj način za svako, eventualno sporno potraživanje, imat ćemo vjerodostojne isprave.

Da bi se aktivnost oko naplate izvršavala efikasno potrebno je u određenim intervalima dostavljati pregled dužnika iz kojih će se vidjeti kada treba ići na usmenu opomenu, poziv za plaćanje duga i opomenu pred tužbu. Ukoliko se dužnik ne odazove plaćanjem u sva tri slučaja ići na utuženje. Ove radne aktivnosti u toku 2021. godine moraju biti povećane, a rad svih učesnika svakodnevno. Na taj način bit će povećani prihodi preduzeću, a tekuća likvidnost još bolja.

2.9. Nastupanje prema osnivaču

Ukoliko Skupština Društva ne uspijeva da riješi odnosno ostvari svoju funkciju prenesenih ovlaštenja od strane Osnivača, u svakom slučaju neophodno je nastupati od strane Uprave Društva.

Komunikaciju vršiti usmeno, a slučaju neodazivanja ili ne zauzimanja stava ili potrebnih aktivnosti, ponovno nastupati pismenim zahtjevima, dopisima i drugim adekvatnim postupcima.

2.10. Javne nabavke

Uraditi Plan javnih nabavki za 2021.godinu. Budući da je donesen Pravilnik o javnim nabavkama koji treba usaglasiti sa novim Zakonom, kao i da se prešlo na praksu formiranja Komisije za javne nabavke za svaku nabavku posebno ako se radi o platnim razredima iznad 6.000,00 KM, a za platni razred do 6.000,00 KM formirana je Komisija za javne nabavke koja

je u stalnom sastavu stvorile su se osnovne pretpostavke da se mogu vršiti javne nabavke sukladno odredbama Zakona o javnim nabavkama u BiH („Sl. glasnik BiH“ broj: 39/14 od 19.05.2014.godine). Prilikom svake nabavke poštovati zakonsku proceduru odnosno poštivanje osnovnih načela javnih nabavki i to potpune transparentnosti i konkurentnosti ponuđača.

U Planu i Programu rada Društva za 2021.god. unijeti stavke iz Plana javnih nabavki i namjenski tražiti finansijska sredstva od Osnivača ukoliko ih Društvo ne može obezbijediti i tekućih sredstava poslovanja.

Za 2021.godinu potrebno je namjenski tražiti od Osnivača finansijska sredstva i to;

- finansijska sredstva za legalizaciju novoizgrađenih objekata.
- finansijska sredstva za kupovinu i adaptaciju novog poslovnog prostora

2.11. Ljudski resursi

Brojno stanje JP RTV USK-a na dan 31.12. 2020. godine je 74 radnika. Od ukupnog broja radnika 5 radnika je na bolovanju od čega dva sa teškim dijagnozama. Jedan radnik je ostvario pravo na prijevremenu starosnu penziju.

Kadrovska struktura na kraju 2020. godine prikazana je u sljedećoj tabeli.

Red.br.	Stepen obrazovanja	Naziv	Broj
1.	VSS	Doktori	0
2.	VSS	Magistri	4
3.	VSS	VII stepen, 240ECTS	18
4.	VSS	Bachelor 180 ECTS	12
5.	VŠS	Viša škola	3
6.	SSS	Srednja škola	29
7.	KV	Trogodišnja škola	7
8.	OŠ/NK	Osnovna škola	1
	U K U P N O		74

Napomena: U 2021. godini Uprava Društva planira nova zapošljavanja kako bi osigurala nesmetano funkcionisanje rada preduzeća i pružanje usluga iz osnovne djelatnosti Društva, a

isključivo potrebe jer su dva (2) radnika penzionisana. Prosječna dob trenutno zaposlenih je između 45 i 55 godina.

2.12. Uštede

Ukoliko se redovno prate troškovi poslovanja i stvara baza podataka radi potrebnih analiza mogu se smanjivati troškovi poslovanja. U toku 2021. godine treba nastaviti takvom pozitivnom praksom. Analize troškova poslovanja ne treba vršiti samo u slučaju redovnog izvještavanja već i u kraćim vremenskim intervalima kako bi se na vrijeme moglo utjecati na smanjenje troškova poslovanja, a što se i redi. To se posebno odnosi na čuvanje opreme, uređaja, vozila i drugih stvari Društva. Uštede od početka 2020. godine su znatne u pogledu potrošnje kancelarijskog materijala, higijenskih sredstava, goriva, električne energije kao i smanjenja troškova opravke vozila. Znatna ušteda je i kod zastupanja Društva kod sudova i upravnih organa, jer se čini vlastitim kadrom, a ima potpun uvid u svaki sudski postupak kao i troškove sudskih taksa i drugih troškova. Isto tako koristi se kod ugovaranja mogućnost ugovorene mjesne nadležnosti suda, pa većinu postupaka vodimo kod suda u Bihaću.

Znatne uštede ostvarene su i kod radova i opravaka unutar radnih prostorija preduzeća jer se rade u vlastitoj režiji (izrada scene u TV studiju, opravke vrata, instalacija, uređaja na TV predajnicima i repetitorima, uređenje radnih prostorija, održavanje dodijeljenog objekta „Crvena zvijezda“ i dr.). Takvu pozitivnu praksu nastaviti koristiti i na dalje u tekućoj godini.

Uštede su ostvarene i zbog toga što smo uspostavili internetsku mrežu, odnosno povezanost svih tehnoloških i organizacionih cjelina, a dugoročan cilj je da sav rad u administrativnom i tehnološkom pogledu se odvija informatičkom tehnologijom u cijeloj organizaciji proizvodnje i administracije, što je u znatnoj mjeri već postignuto kao i što se veoma brzo prešlo na proizvodnju digitalnog TV signala.

Za ovakav kontinuitet procesa rada biće neophodna nabavka potrebnih tehničkih uređaja.

3. PROGRAM RADA TELEVIZIJE UNSKO-SANSKOG KANTONA ZA 2021. GODINU

3.1. Uvod

Televizija Unsko-sanskog kantona (TV USK-a) svoj program emituje kontinuirano već 25 godina. U tom vremenu izrasla je u snažan medijski kolektiv, koji se poštuje i uvažava, čiji se sadržaji prate i pamte. Naše su reporterske ekipe svakodnevno na terenu, prate aktuelna zbivanja i javnost izvještavaju o njima. Bili smo i ostali aktivni sudionici svih događanja na prostoru Unsko-sanskog kantona (USK-a) i Bosne i Hercegovine (BiH) u cjelini. Naši su gosti, predstavnici općina/gradova, izvršne i zakonodavne vlasti USK-a, Federacije Bosne i Hercegovine (F BiH) i države BiH, premijeri, predsjednici država, ambasadori, najviši predstavnici međunarodne zajednice, ali i zanatlije, poljoprivrednici, obični ljudi, povratnici... Naše reporterske ekipe i danas, jednako kao i prije dvadeset i pet godina, sa istim žarom prate ponosnu boračku priču, podsjećaju na herojsku borbu i odbranu domovine, prate teške povratničke i priče o ljudima, koji su na ivici egzistencije, ukazujući na potrebu solidarnosti i podrške. Pratili smo i pratit ćemo reprezentativne nastupe naših sportaša, bili smo i bit ćemo pokrovitelji brojnih kulturnih, sportskih i drugih javnih manifestacija.

Naš je moto bio i ostao vezan uz aktuelan, objektivan, profesionalan i timski rad, a u središtu novinarskog interesovanja je kantonalna i lokalna informacija, dakle ona, koju od nas naša publika očekuje, za koju smo predodređeni i koju možemo najkvalitetnije osigurati i prezentirati gledaocima. U tom pravcu posebno ćemo se osloniti na ranija iskustva i programski okvir, koji je već osigurao svoje mjesto u shemi i bio prihvaćen od sve zahtjevnije publike u primarnoj zoni emitovanja. Ujedno je to naša jedina prednost, zahvaljujući kojoj možemo biti gledaniji od TV stanica drugih nivoa (federalne i državne).

Program rada TV USK-a za 2021. godinu temelji se na odrednicama i pravilima Regulatorne agencije za komunikacije Bosne i Hercegovine (RAK BiH), koji se odnose na javne stanice, našim tehničko-tehnološkim i kadrovskim mogućnostima, te iskustvima stečenim u dosadašnjem dvadesetpetogodišnjem radu i razvoju Javnog poduzeća Radiotelevizija Unsko-sanskog kantona (JP RTV USK) d.o.o. Bihać, posebno onim prošlogodišnjim.

1. Tehničke pretpostavke

Digitalizacija je posljednjih godina zasigurno jedan od najeksploatisanijih termina. Što se tiče TV USK-a mi smo prvotnu "digitalnu zadaću" apsolvirali krajem 2016. i početkom 2017. godine. Tada smo, naime uz podršku Vlade i Skupštine USK-a osigurali produkciju full HD signala i doveli ga do izlaza iz režije. Insistirali smo kod kablovskih operatera da preuzmu takav signal i da ga u HD kapacitetu puste u vlastitu mrežu. Takva priča traje već petu godinu, ali kablovski operateri nisu u cijelosti iskoristili takvu našu tehničku mogućnost. Jedan broj kablovskih operatera, među kojima i Moja TV BH Telecoma, su u svojoj mreži osigurali dva digitalna kanala za TV USK-a, jedan SD, drugi HD. Veliki broj kablovskih operatera takvu

mogućnost iz finansijskih razloga nije iskoristio. Međutim, TV USK-a kontinuirano emituje digitalni signal u svim kablovskim mrežama u SD 16:9 formatu. U 2021. godini i dalje ćemo poticati kablovske operatore da preuzimaju najkvalitetniji signal TV USK-a (FULL HD 16:9). Distribucija digitalnog signala i dalje će biti usmjerena prema svim većim i manjim kablovskim operaterima, koji su zainteresirani za preuzimanje programa TV USK-a.

Također, u 2021. godini nužno je povesti računa o emitovanju digitalnog TV signala putem zemaljske mreže, koja nažalost, još uvijek distribuira analogni signal. S tim u vezi, polovinom decembra 2019. godine RAK nam je uputio upit, kao i ostalim TV stanicama, da se izjasnimo da li smo nakon isteka postojeće dozvole (krajem aprila 2020. godine), zainteresirani da televizijski program emitujemo putem Multiplex-a C, kako bi mogli aplicirati za dozvolu za digitalno zemaljsko televizijsko emitovanje. Naš odgovor bio je potvrđan, te smo se odlučili, s obzirom na visinu cijene, a u skladu sa našim finansijskim mogućnostima, za samo jednu digitalnu regiju – Plješevica, od ponuđenih devet.

Krajem januara 2020. održan je i sastanak u prostorijama RAK-a, na kojem smo pobliže upoznati sa detaljima, te da bi emitovanje digitalnog TV signala putem zemaljske mreže, trebalo krenuti prije isteka postojećih dozvola RAK-a, u aprilu 2020. JP RTV USK-a d.o.o. je dužna osigurati digitalni signal, preko jednog od operatera, koji će biti partneri Multiplex-u C. Na sastanku nije precizirano o kojim operaterima je riječ, ali je rečeno da svaka od TV stanica ima saradnju sa nekim od partnera Multiplex-a.

Zbog proglašenja pandemije koronavirusa širom svijeta, pa i u našoj zemlji, čini se da su i ove aktivnosti stopirane.

Zahvaljujući tehnološkom napretku i vlastitom angažmanu danas je program TV USK-a moguće pratiti na cijelom prostoru BiH, ali i širom svijeta.

a) Moja TV

U paketu Moja TV BH Telecoma program TV USK-a može se gledati u HD i SD rezoluciji. Pored toga, omogućena je timeshift usluga, zahvaljujući kojoj se mogu pratiti propušteni sadržaji programa, unazad sedam dana.

b) Kablovska televizija Miss.Net

Ova kablovska televizija pokriva gradove Bihać i Cazin, te općinu Bosansku Krupu. Trenutno preuzima i distribuira digitalni SD kanal. Treba i dalje raditi, te insistirati na još jednoj opciji digitalnog HD signala.

c) Kablovska mreža Elta

Ovaj operater tijesno sarađuje sa Miss.Net-om, od kojeg preuzima signal TV USK-a i distribuira ga na cijelom prostoru Republike Srpske (RS), kao i na prostoru Tuzlanskog kantona (TK) u FBiH.

d) Dobra TV

2019. godine saglasnost za preuzimanje signala TV USK-a data je, među ostalim, Dobroj TV, ranije Primera TV, zbog promjene naziva operatera. Dobra TV preuzima signal iz prostorija naše TV režije, ali putem interneta (stream). Ona je 2018. postavila svoj streamer u prostorije RTV USK-a, te putem našeg interneta vrši streaming za svoju platformu, kao i za potrebe naše android aplikacije, te web portala rtvusk.ba. Isti operater vrši i distribuciju našeg signala (besplatno) za sve kablovske i internet operatere, koji iskazu želju za uvrštavanjem našeg TV programa u svoju ponudu. Naravno, uz prethodno dobivenu saglasnost od naše kuće. Zahvaljujući live streamingu program TV USK-a moguće je gledati bilo gdje u svijetu. Naravno, takva mogućnost emitovanja bit će nastavljena i u 2021. godini.

e) Ostali kablovski operateri

Lista manjih i većih kablovskih operatera, koji preuzimaju signal TV USK-a svakim danom je sve veća. Riječ je o kablovskim operaterima sa prostora USK-a, sa šireg prostora FBiH, ali i susjednih i ostalih evropskih država. U svakom slučaju naš je interes da program TV USK-a na kvalitetan način dođe u što veći broj domova.

3.2. Produkcija

Uprkos činjenici da je TV USK-a prije četiri godine provela digitalizaciju u produkciji, i u 2021. godini bi bilo potrebno dodatno inovirati dio opreme. Naime, tadašnjih 200.000 KM osiguralo je produkciju digitalnog signala. U 2019. godini osigurali smo i uređaj za živo javljanje u program – ruksak (backpack), te dron, kao i 9 računara. Uređaj za živa javljanja u informativnom i drugim programima podigao je kvalitet rada na novu, višu razinu. Ovaj uređaj služi kao podrška kameri za tzv. živa javljanja. Njime je moguće jednostavno osigurati živa javljanja sa bilo koje tačke u Kantonu i šire, na kojoj postoji bilo koji GSM signal. Radi se o istinskoj „revoluciji” i pravom osvježanju u programu. Novinu su donijeli i snimci dronom, jer se radi o jednoj novoj dimenziji – snimanju iz zraka. U 2020. osigurali smo 8 studijskih mikrofona (bubica).

Međutim, već danas se nameće potreba za osiguranjem novih kamera, reflektora, mikrofona, montažnih jedinica, kvalitetnijih računara u redakciji, digitalizaciju TV arhiva i tako dalje. Naravno, sve ovo u želji da pratimo najsavremenije trendove u razvoju televizije i osiguramo optimalne uvjete za produkciju najkvalitetnijih TV sadržaja, te budemo brzi i blagovremeni, kako dolikuje ovom mediju.

Shodno tome u 2021. godini bilo bi nužno osigurati:

- 2 terenske kamere, sa pripadajućom opremom (baterijama, mikrofonom, rasvjetnim tijelima, medijima za snimanje, stalcima)
- set led rasvjetnih panela za terensko snimanje sa odgovarajućim napajanjem (za osvjetljenje većih površina pri snimanju priloga i emisija na terenu)
- jedan kvalitetniji prijenosni računar (laptop), nužan za slanje video materijala sa terena, prilikom javljanja uživo, uz osiguranu internet konekciju
- LED zidovi, inače sada u trendu kod svih TV kuća (scenu čine jednostavnom, pružaju scenografima veću fleksibilnost u dizajnu, omogućavaju izradu video pozadina bilo koje veličine i oblika, koje se brzo i lako izmjenjuju).

Nakon četiri godine rada u digitalnom (full HD) formatu, ubrzano raste potreba za digitalizacijom TV arhiva. Čuvanje, pohranjivanje i korištenje novosnimljenog materijala u digitalnom formatu teče kontinuirano, a postepeno se vrši i pretvorba svih dosadašnjih formata u digitalni, naravno onih materijala za koje se procjeni da imaju posebnu vrijednost. Ovom prilikom dodatna napomena da TV USK-a, kao i svaka ozbiljna kuća glavninu proizvedenih materijala trajno čuva, kao što čuva i dio tzv. "sirovog materijala". U 2019. krenulo se sa procesom digitalizacije evidencije arhivske građe. On ide veoma sporo, prije svega, jer postojeći kadar nije dovoljno informatički pismen, niti efikasan da odgovori potrebama. Situaciju otežava i činjenica da ova dva procesa nisu išla paralelno, pa je sada to znatno teže. Razlog tome je, također kadrovske prirode. Međutim, sa ovim procesom nastavljamo i u 2021. godini. Njegovom realizacijom značajno će se unaprijediti efikasnost rada i na tome ćemo ustrajati.

3.3. Kadrovske pretpostavke

TV USK-a je sastavni segment velike porodice JP RTV USK-a d.o.o. i kao takva njegov nosivi dio. Redakcija TV USK-a osigurava glavninu novinarskih priča za cijelu kuću, dakle za TV USK-a, Radio USK-a i web stranicu www.rtvusk.ba. Takva praksa će se nastaviti i dalje, ali je potrebno dodatno jačanje timskog rada u cijeloj JP RTV USK-a u svim proizvodnim segmentima. Jedino tako moći ćemo odgovoriti vremenu, a sa jednakim brojem izvršilaca dodatno povećati produktivnost.

Svaki segment našeg rada i programa zajednički je i jedinstveno ogledalo u javnosti. Zato treba iskoristiti prednosti svakog medija i usmjeriti ih u zajedničke aktivnosti. To se posebno odnosi na web stranicu, koja je tehnički dobro koncipirana, ali ne i informativno do kraja ažurirana. Ne može se desiti da bilo koji događaj, koji prate ekipe TV USK-a kasni sa objavom na web-u i po nekoliko sati. Zadatak novinara mora biti da sačini i objavi vijest odmah po saznanju. Ta objava mora biti na web-u, te na radio i TV vijestima što prije. U ovom dijelu napravili smo prošle godine određene pomake, ali ćemo i dalje ustrajavati.

Prisutnost ovakvih problema očigledno nam ukazuje na nužnost dodatne novinarske edukacije, ali i kontrole radne discipline. Dio novinara već godinama ne napreduje u radu. Dostigli su određeni nivo u radu i teško se prilagođavaju novinama, niti se trude da promijene način rada, koji se proteklih godina nije pokazao učinkovitim. Mora postojati motivacija kod uposlenika da se nešto nauči, jer u protivnom se vrtimo u krug. S druge strane, značajan broj novinara uspješno se prilagođava novinama i napreduje u radu. Takav primjer trebaju svi slijediti, jer televizija i uopće rad u medijima, svakodnevno se treba modernizirati i pratiti napredak, prije svega u tehnološkim procesima.

Ovdje se mora reći da je naš kadrovski sastav vrlo šarolik, te da ga je moguće iznova i još bolje sistematizirati, shodno audio-vizualnim, novinarsko-autorskim i stručno-obrazovnim pretpostavkama. Svaka TV kuća uvijek osjeća manjak izvršilaca, koji mogu ići u živ program. Naravno i TV USK-a ima taj problem. U želji da osigura što je moguće veći broj emisija, a uz to je limitirana brojem izvršilaca, TV USK-a je ponekad prinuđena jedan krug zaposlenika koristiti na najrazličitijim novinarskim formama u kojima se oni svaki put ne snalaze najbolje. U vremenu, koje je pred nama treba učiniti dodatne korake na kvalitetnom odabiru i selekciji izvršilaca po programima, a glavninu novinara sistematizirati i profilirati za određene novinarske žanrove i životne oblasti. Na taj način doći ćemo do cjelovitije informacije i kvalitetnije autorske emisije, a veza između autora i publike bit će direktnija.

Dakle, potrebna je nova sistematizacija i kategorizacija radnih mjesta. Želi li se nastaviti stepen realizacije visokopostavljenih programskih ciljeva, nužno će biti dodatno osnažiti motivacione faktore (povećanje i redovitost plata), a status svih onih, koji učestvuju u radu redakcije i realizacije programa u startu izjednačiti shodno stručnoj i obrazovnoj sposobljenosti.

3.4. Programski zadaci

Posmatrajući globalno, u poslovnoj 2021. godini temeljni programski ciljevi TV USK-a vezani su, naravno, uz konačno profiliranje aktuelne programske sheme. Ona je većim dijelom realizirana ranijih godina, no dodatno je potrebno određene programske sadržaje kvalitativno dograditi, naslove i programsku koncepciju određenih sadržaja inovirati i prilagoditi zahtjevima savremenog novinarstva i potrebama gledateljstva. Većina programskih zadataka vezana je uz vlastitu produkciju, no u ovome trenutku ne treba zanemariti ni zajedničke projekte, koji su rađeni i koji će se raditi ubuduće sa partnerskim televizijskim kućama, osnivačem, vladinim i nevladinim sektorom. Naravno potrebno je osigurati i dodatne programe, u prvom redu igrane, serijske i sportske, koje nismo u stanju proizvesti, a koje potencijalna publika od nas traži i očekuje.

Kao javna stanica, koja pokriva ovdašnji medijski prostor, TV USK-a je dužna gledateljstvu osigurati sve potrebne i objektivne informacije o radu Vlade i Skupštine USK-a, izabranih zvaničnika, javnih poduzeća i ustanova, o radu općinskih/gradskih administracija,

općinskih/gradskih vijeća, nevladinog sektora, manjinskih grupa, povratnika, boračkih organizacija, sindikata, organizacija iz oblasti kulture, sporta, posebno mladih, vjerskih institucija i tako dalje. TV USK-a u 2021. godini, kao i do sada, mora voditi računa o toleranciji i suživotu, pomirenju, običajima, tradiciji i kulturi svih stanovnika USK-a, jednakosti spolova, nacionalnoj, vjerskoj i svakoj drugoj jednakosti, podsticati temeljne civilizacijske vrijednosti, ukazivati na svaku vrstu društvenih anomalija, razotkrivati negativne trendove, kriminal, mito i korupciju, iskorištavanje slabih, nasilje... Jednom riječi TV USK-a mora biti istinska medijska kuća u svakom pogledu.

Kontinuirano treba raditi na stimuliranju univerzalnih ljudskih vrijednosti, državnih vrijednosti, očuvanju historijskih tekovina BiH, njenih naroda i građana, posebno vrijednosti odbrambeno-oslobodilačkog rata u periodu 1992.-1995. godina. Poseban akcenat bit će stavljen na produkciju specijalnih programa uz Dan nezavisnosti, Dan državnosti, Dan USK-a, Dan Armije Republike Bosne i Hercegovine (ARBiH) i Dan 5. korpusa ARBiH.

U 2021. godini TV USK-a treba učiniti sve da podstiče produkciju tzv. programa pod pokroviteljstvom, čime bi osigurala bolju finansijsku poziciju. Značajan dio programskog zadatka moguće je ostvariti u saradnji sa pokroviteljima i sponzorima, čime će biti uokviren programski interes, te osigurana finansijska podrška.

U takvom svjetlu treba gledati skoriju realizaciju već dogovorenih projekata sa Ministarstvom obrazovanja, nauke, kulture i sporta USK-a, Ministarstvom za građenje, prostorno uređenje i zaštitu okoliša USK-a, Federalnim ministarstvom poljoprivrede, IOM-om. Na tome ne treba stati nego nastaviti, tražiti nove pokrovitelje, a na toj listi trebali bi biti gradovi i općine USK-a.

S tim u vezi u 2021. nastavljamo sa projektom „Zajedno do boljih rješenja“, koji implementiramo uz podršku IOM-a Bosne i Hercegovine, a sredstva je osigurala Evropska unija. Projekat ima za cilj podizanje svijesti lokalnih zajednica o pravima i ranjivostima migranata, u cilju boljeg međusobnog razumijevanja potreba i prava lokalnog stanovništva i migranata, te unapređenja društvene kohezije kod obje populacije. Ukupno je planirano 18 reportaža i 6 TV intervjuja. Od toga je u 2020. godini producirano i emitovano 12 reportaža i 3 TV intervjuja, dok će se ostatak realizirati u ovoj godini (6 reportaža i 3 TV intervjuja).

U reportažama ćemo se baviti različitim temama: podrška domaćih i međunarodnih organizacija, zaštita djece i maloljetnika bez pratnje u migracijama, život samaca u Privremenom prihvatnom centru Miral, zdravstveni aspekt u migracionim tokovima, hitni humanitarni timovi na terenu, te zemlje porijekla migranata i migrantska ruta u BiH.

U 2021. godini nastavljamo realizaciju, još jednog projekta uz podršku IOM-a Bosne i Hercegovine, a sredstva je osigurao USAID. Naziv projekta je „Let your youth show!“, a ima za cilj povećanje izloženosti mladih i pristup pozitivnim pričama i narativima kreiranim od strane mladih iz Krajine, gdje mladi imaju malo pristupa vijestima i informacijama koje su za njih relevantne. Nakon provedene obuke za omladinski tim novinara prošle godine, u toku je

produkcija pilot (prve) epizode serijala, koja će biti dostavljena donatoru na odobrenje. U ovoj godini planira se produkcija i emitovanje 20 pojedinačnih epizoda (u trajanju do 30 minuta) omladinske emisije „Kontraš?“, te dva promo priloga o početku i završetku projekta.

Shodno obavezama RAK-a, koje nameće europski put BiH, TV USK-a ima obavezu saradnje sa nezavisnim produkcijama, plasmanom programa nezavisnih produkcija europskih djela u svom programu. Ta će obaveza, kao i do sada, biti u cijelosti ispoštovana i u 2021. godini.

U 2021. godini treba nastaviti ranije započetu programsku razmjenu TV USK-a sa Televizijom Sarajevo (TV SA), Televizijom Tuzlanskog kantona (TV TK), Televizijom Bosansko-podrinjskog kantona Goražde (TV BPK-GORAŽDE) i Televizijom Zenica (TV ZE). To podrazumijeva i zajednički nastup prema određenom krugu tzv. velikih oglašivača. TV USK-a je na stajalištu razvoja iskrene poslovne saradnje i visokog stepena profesionalizma. Kako bi osigurali optimalne uvjete za kvalitetan rad tokom jeseni, u ljetnom periodu ćemo, kao i ranijih godina, uvesti tzv. ljetnu programsku shemu, omogućiti zaposlenicima korištenje godišnjih odmora, te akumulirati snagu za realizaciju narednih planiranih zadataka.

3.5. Programska shema

Aktuelna programska shema, uglavnom je profilirana u protekloj godini, posebno u njenom drugom dijelu. Uz postojeće, uveden je značajan broj novih programskih sadržaja i emisija.

U 2021. godini, kao i do sada, produkcijski prioritet treba dati informativnom programu, ali to ne znači zanemarivanje ostalih TV emisija. One i dalje moraju imati optimum uredničke pažnje i svaku pomoć u realizaciji. Tim prije što se u našim uvjetima određeni programski sadržaji bukvalno prepliću, tako da je tanka linija između njih.

Još jednom želim ukazati na potrebu daljnje stručne analize gotovo svih programskih sadržaja. U tom smislu treba izbjeći subjektivan sud autora emisija i njihovih saradnika, te gomilanje nepotrebne narcisoidnosti. Do novinarskog umijeća dug je put, a njegovu snagu dat će sud javnosti i stručna kritika redakcijskih i kolega iz susjednih kuća.

Pregled vlastitih emisija, koje će biti emitovane u 2021. godini:

- Vijesti (svakog dana od 10.00, 12.00 i 14.30 sati, u dane vikenda u 15.00 sati, te u večernjem terminu oko 22.00)
- Dnevnik (svakog dana od 19.00 sati)
- Info dana (ponedjeljak – petak, 22.20 sati)
- Dnevnik plus (svakog dana od 19.30 sati, po ukazanoj potrebi)
- Sport (svakim danom, 19.30 sati)

- Vrijeme (svakim danom 19.35 sati)
- TV intervju (utorak, 20.05 sati)
- Kultura (srijeda, 21.45 sati)
- Krajiška zemlja (nedjelja, 12.30 sati - petnaestodnevno)
- Dnevna doza zabave (ponedjeljak – petak, 17.00 sati)
- Nedjeljom zajedno (nedjelja, 16.30 sati)
- Duhovni svijet (subota, 18.15 sati - petnaestodnevno)
- Vrištić (ponedjeljak - petak, 10.05, 14.20 i 18.45 sati)
- Školski sat (nedjelja, 10.10 sati)
- Šetnja Nacionalnim parkom “Una” (ponedjeljak, 18.15 sati)
- Voda znači život (subota, 18.15 sati - mjesečno)
- Bez izgovora (utorak, 21.45 sati)
- Kupujmo domaće gradimo BiH (nedjelja, 18.15 sati – petnaestodnevno)
- Živjeti zdravo (nedjelja, 18.15 sati – petnaestodnevno)
- U svjetlima kandilja (svakog dana tokom ramazana u 19.45 sati)
- Zajedno do boljih rješenja, prema projektnom zadatku
- Kontraš?, emisija za omladinu, prema projektnom zadatku.

Iz pregleda emisija vidljivo je da je riječ o našim redovnim i profiliranim programima. Uz ove, redovne programske sadržaje TV USK-a će realizirati još, doista mnoštvo sati vlastitog programa, bilo da se radi o programima pod pokroviteljstvom, projektnim zadacima, programima namijenjenim osjetljivim kategorijama i slično...

Redakcije informativnog, kulturno-zabavnog i dokumentarnog programa će do kraja 2021. godine realizirati više dokumentarnih filmova, reportažnih zapisa i serijala, a tu su i naši specijalni programi, koje realiziramo u okviru prazničnih, manifestacijskih i sličnih prilika poput:

- Novogodišnjeg programa,
- Ramazanskog programa,
- Bajramskog programa,
- Božićnog programa,
- Uskrsnog i Vaskrsnog programa,
- Obilježavanja Dana nezavisnosti BiH,
- Obilježavanja Dana državnosti BiH,
- Obilježavanja Dana USK-a,
- Obilježavanja Dana Armije R BiH,
- Sjećanje na Srebrenicu,
- Obilježavanja drugih značajnih datuma iz naše novije historije.

Konačno, u okviru programske sheme za 2021. godinu biće uključeni i tzv. razmjenski sadržaji, emisije partnerskih TV kuća, nezavisne produkcije, sportski, igrani i serijski program. Na taj način bit će nastavljeno ili započeto emitovanje:

- TV liberty,
- TV liberty plus,
- Perspektiva,
- Naša snaga,
- Portret autora,
- Alhemija Balkana,
- Ritam Balkana,
- Vrhovi Balkana,
- Tad i sad (BiH)
- Živjeti islam,
- Granice identiteta,
- Svjetla pozornice,
- Sport klub,
- Pjesmom o Bosni,
- Zelena karta,
- Portret autora,
- Hod vijekova,
- bosanskom na bosanskom,
- Impuls znanja,
- Bosnoljublja,
- Putokaz,
- Pečat u vremenu,
- Agrokanal,
- te brojnih drugih sadržaja, serijala i dokumentarnih filmova.

3.6. Zaključak

Generalno kada je u pitanju TV program u 2021. trudit ćemo se povećati broj urađenih priloga i emisija, u odnosu na prethodnu godinu. Pri odabiru tema, akcenat ćemo i dalje stavljati na teme od kantonalnog značaja i ljudske priče, one pozitivne, ali i one, koje ukazuju na određene probleme i poteškoće, a koje muče sve nas, odnosno većinu građana. S ovakvom praksom uspjeli smo se približiti više građanima, malim ljudima, da se čuje i njihov glas... Uz praćenje aktivnosti Vlade i Skupštine USK-a, nastavit ćemo sa pokrivanjem i ostalih gradova/općina u Kantonu, koliko se može, u skladu sa raspoloživosti ljudi i auta. S obzirom da smo mi kantonalni medij, vijesti od kantonalnog značaja i dalje će biti u vrhu Dnevnika, ali i ostalih emisija. To je zapravo naša prednost, u odnosu na druge medije sa federalnog i državnog nivoa, koju trebamo iskoristiti za postizanje što bolje gledanosti. Značajan iskorak napravljen je javljanjem uživo, što je dalo dodatnu dinamiku u izvještavanju naših reportera. Time smo se svrstali među vodeće TV kuće u regiji, koje od ranije koriste ovaj vid novinarstva. Sa ovom praksom nastavljamo i u 2021. godini.

Početkom 2020. godine prešli smo na novu platformu, odnosno novu web stranicu, koja ima posebnu podstranicu za video materijal, koja je, kako se pokazalo „pun pogodak“, jer je došlo do značajnog povećanja broja pregleda, odnosno posjećenosti naše web stranice. I dalje ćemo raditi na povećanju broja pregleda, a i na našim stranicama na društvenim mrežama. Najviše obaveza i dalje odnosi priprema vijesti, međutim discipliniranjem novinara, koji su ažurniji u „donošenju“ informacija s terena, taj je posao u značajnoj mjeri olakšan. Dobili smo na pravovremenoj i aktuелnoj informaciji, pomaka ima, ali treba još dosta svjesnosti da bi se postigao željeni nivo. To moraju svi u redakciji, jer je naš posao timski i ovisimo jedni od drugih.

Ono na čemu ćemo insistirati i u ovoj godini jeste veći broj dijaloških emisija u studiju, tokom kojih bi se čula mišljenja više strana o određenoj temi. Mi smo spremni na ovakav vid emisija, međutim nažalost, čini se da naši zvaničnici nisu. Stoga ćemo se potruditi da u narednom periodu, tu situaciju promijenimo za dobrobit svih, a posebno građana zbog kojih i postojimo. Na tome smo radili i u prošloj, a nastavit ćemo i ove godine.

TV USK-a bi valjano osmišljenim postojećim kapacitetima i relativno malim dodatnim ulaganjem, mogla ostvariti izuzetan iskorak u ostvarivanju društvene funkcije za koju je zadužena. Uz to, nužno je unutarnje reorganiziranje, s ciljem efikasnosti, učinkovitosti, djelotvornosti, te modernizacije i optimizacije proizvodnje televizijskog programa.

Napredak tehnologije donio je velike promjene i otvorio nove mogućnosti za prijenos informacija u TV novinarstvu. Sve je lakše, dostupnije, brže i jeftinije nego što je bilo prije samo 20-ak godina. Tehnološki napredak i njegova primjena u novinarstvu od samih novinara i svih uposlenika televizije zahtijevaju neprestano učenje i prilagođavanje, jer se mnoge funkcije objedinjuju, na primjer novinari sada obavljaju i montažu, kao i „skidanje“ materijala. Bez tehnologije današnje TV novinarstvo je nezamislivo.

Novinari i ostali uposlenici, moraju se kontinuirano educirati po pitanju tehnološkog napretka, rada na internet platformama, itd. kako bi bili efikasni i u korak s vremenom. Posebno je to važno u našem mediju, gdje je rad timski i vrlo često nepažnja ili greška jednog člana, uništi rad i trud cijelog tima.

Smatram da digitalizacija dovodi do stvaranja pluralističkog medijskog okruženja, zahvaljujući saradnji svih aktera uključenih u ovaj proces, koje štiti pluralizam mišljenja i slobodu izražavanja. Vlasti moraju shvatiti da će pružanje raznovrsnih informacija građanima, samo učvrstiti njihovo demokratsko društvo. Dakle, ljudi moraju biti dobro informisani, jer na osnovu informacija formiraju svoje stavove i mišljenja, odnosno donose odluke. Priliku da kažu svoje mišljenje o bilo kojoj temi moraju imati i građani, a ne samo predstavnici vlasti.

4. PLAN I PROGRAM RADIJA RTV USK ZA 2021. GODINU

4.1. Uvod

Ove godine navršilo se 25. godina postojanja i rada Radija USK. Četvrt vijeka postojanja, nastojali smo biti prepoznatljivi, aktuelni i profesionalni, kako bi građanima prenijeli najznačajnije informacije sa prostora kantona, države, regije i svijeta. Zasnivajući rad na vlastitoj Programskoj koncepciji i temeljima interesa javnosti prisutni smo svakodnevno 24 sata u javnom prostoru. Cilj nam je da nastavimo poštovati Kodeks za uređivanje radio programa Regulatorne agencije za komunikacije, Zakon o javnom informisanju i drugim mehanizmima regulacije rada, zatim, novinarskoj etici, profesionalnim standardima i emitovanju fer i izbalansiranih programskih sadržaja.

Radio USK je ostvario jedan od najvažnijih, opće-društvenih ciljeva, a to je biti istinski informativni servis građanima, sa pravovremenim, istinitim, profesionalnim i cjelovitim informiranjem. Sa svim prednostima, kao i otežavajućim okolnostima, uposlenici Radija su se uspješno nosili gradeći visok nivo organizacije, pripreme i emitiranja programskih sadržaja. Svaka minula godina, posmatrano kroz rezultate u programu, govori o uspješnom trajanju i druženju sa auditorijem, ali i o postavljanju viših i opsežnijih standarda u uređivanju programa baziranih na društveno prihvaćenim načelima i vrijednostima. Očekivanom dinamikom društvenih procesa. Godine koje slijede postavljat će nove zahtjeve i standarde a u skladu sa tehnološkim napredkom kojem i mi stremimo. Prateći savremene tokove otvara se mogućnost uvođenja novih sadržaja u čemu ne možemo naprijed, bez povećanja broja uposlenih i direktnih učesnika u programu .

4.2. Informativni program

Tokom 2021. godine, kao i ranijih godina, najznačajniju pažnju posvetit ćemo daljem razvoju Informativnog programa, s obzirom na njegovu važnost i prioritete koje nalaže. Vijesti, dnevници, hronike, teme dana, prijenosi zasjedanja Skupštine USK, emisije o aktivnostima izvršne vlasti USK i jedinica lokalne samouprave, zajednički programi radio-stanica USK „Na istoj frekvenciji“, otvoreni program radija, intervjui, razgovori s povodom, politički magazini, planiramo realizirati putem zajedničke baze sa TV USK, te korištenjem agencijskih i drugih dostupnih izvora. Svakako, želeći biti aktuelni, svaki dan od 11,30 emitujemo i emisiju Tema dana. Jedan značajan dio informativnog programa je u vlastitoj proizvodnji, zbog dobre prakse i rezultata, planiramo realizirati dovođenjem sagovornika u radijski studio, ili posredstvom telefonskog kontakta, što smo radili i u proteklom periodu.

U skladu sa programskom šemom nastavit ćemo sa emitiranjem vijesti i proširenih vijesti, i to u 06.00, 08.00, 09.00, 10.00, 11.00, 12. 00, 13.00, 14.00, 15.00, 16.00,17.00, 18.00 i 20.00, kao i preuzimanje Jutarnjeg Dnevnika BH Radija u 07,00 sati.

Dnevnik TV USK u redovnom terminu u 19,00 sati nastaviti ćemo preuzimati i dalje a zbog racionalizacije ljudskih resura jer nam istih nedostaje.

Također, planiramo da tokom okvirne godišnje sheme nastavimo preuzimanje emisije informativnog karaktera „TV Intervju“ i „U fokusu“ te njihovo istovremeno emitiranje na Radiju USK. S obzirom na njihovo dnevno trajanje i važnost tema, nastaviti ćemo sa usklađivanjem prijenosa sa programskim sadržajima kao što su centralne informativne emisije koje imaju stalan termin emitovanja. Od ponedjeljka do petka, planiramo realizirati dijaloške emisije „Tema dana“, u vremenskom intervalu od 11.30 – 11.55. sati.

S obzirom na aktuelnosti i informacije, koje opravdano, smatramo bitnim za građane USK, u okviru poslijepodnevnog programa svakog četvrtka nastaviti ćemo sa realizacijom informativne emisiju „Radio prizma“, u vremenskom okviru od 13.05 - 14.00 sati, sve do početka ljetne programske šeme koja nastupa početkom jula, a okončava krajem mjeseca augusta.

Kada su u pitanju značajni društveni, privredni, kulturni i drugi događaji, kao što su Međunarodni ekološki sajam „Ekobis“, Scensko-teatarski festival „Bihaćko ljeto“, „Ulicom Bišća“, obilježavanje državnih i vjerskih blagdana, važnih datuma iz bliže i dalje historije države BiH i USK, te svih drugih koje smo afirmirali u izvještavanju javnosti tokom minulih godina, namjeravamo i naredne godine dati važnost tim dešavanjima i adekvatno ih pratiti.

Nastavit ćemo sa direktnim prijenosima zasjedanja Skupštine Unsko-sanskog kantona, bilo da su u pitanju redovne ili vanredne sjednice. Planiramo i tokom tekuće godine realizirati u direktnom prijenosu, svečane akademije u povodu određenih historijskih datuma.

- Novogodišnjeg programa,
- Bajramskog
- Božićnog
- Obilježavanju Dana nezavisnosti BiH
- Obilježavanju Dana državnosti BiH
- Obilježavanju Dana USK
- Obilježavanje Dana Armije R BiH
- Obilježavanje Dana 5. Korpusa Armije R BiH...
- Obilježavanje svih svjetskih događaja

4.3. Obrazovni program

Kada je u pitanju Obrazovni program kao vrlo važan segment obrazovanja i edukacije naših građana svih uzrasta, isti će biti realiziran u okviru jutarnjeg, prijepodnevnog i poslijepodnevnog programa. Tokom godine, a u okviru programa nastaviti ćemo realizirati obrazovne programe koji tretiraju Bosanski jezik i književnost, te važnije teme iz historije i

kulture kroz emisiju „Priče iz jednog vremena“ i „Bošnjačka kultura“. Pored ove emisije, u prijedpodnevnim i poslijepodnevnim programima, a u cilju edukacije građana, nastaviti ćemo sa emitiranjem zanimljivih sadržaja iz svijeta nauke, biznisa, tehničko-tehnoloških dostignuća, sporta, muzike, estrade itd. Tokom decembra mjeseca uradili smo četiri serijala iz obrazovnog programa iz područja: „Snaga Prirode i sile promjene“, „Snaga prirode i prirodna bogatstva“, „Zemlje Evrope sa pozicije turizma“ i „Biti bezbjedan u saobraćaju“, „Minut dva o svijetu“. Kao i tokom prošlih godina, značajan prostor u okviru realizacije ovih sadržaja namijenili smo za davanje savjeta stručnjaka/ kultura življenja, uređenje doma, savjeti iz poljoprivrede, savjeti ljekara itd...Ujedno smo započeli a tokom 2021.godine ćemo nastaviti sa emitovanjem emisije „Zrnice mudrosti“ .

U okviru omladinskog programa u proljetnom periodu subotom nastaviti ćemo sa realizacijom emisije „Školski sat“, ali i sadržajima vezanim za školske teme, predškolski odgoj i obrazovanje, visoko obrazovanje, akademsku zajednicu, i općenito ulogu nauke i kulture u našem društvu. Planiramo uraditi emisiju „Zanati u BiH“ kojih je više od 150. Obzirom na tehničku opremljenost, sada smo u mogućnosti emitovati sadržaje, koje uživo možemo snimati i realizovati sa posebno atraktivnih mjesta i destinacija u USK ali i šire. Nastaviti ćemo i ove godine sa emisijom Ženski kutak, posvećen uspješnim ženama sa područja USK. Također, počeli smo i sa emitovanjem Top liste kako narodne tako i zabavne muzike... Ove sadržaje nastaviti ćemo emitovati u 2021.godini.

4.4. Dokumentarni program

Dokumentarni program je jedan od najvažnijih segmenata u programu .Naša namjera je snimiti i arhivski ostaviti emisije koje su od neprocjenjivog značaja za generacije koje dolaze. U toku 2021. godine dokumentarni program planiramo bazirati na dosadašnjoj dobroj praksi afirmacije i promocije kulturno-historijskog blaga i tradicije ovog podneblja, posredstvom emisija o poznatim ljudima koji su ostavili traga u Krajini, običajima, starim gradovima, arhitekturi, kulturnoj i drugoj baštini.

I tokom ove godine namjeravamo zadržati i unaprijediti emisiju „To sam ja“ posvećenu ljudima ovog kraja koji u vlastitom društvenom angažmanu doprinose razvoju društva.

U okviru informativno-dokumentarnog programa nastavljamo sa realizacijom emisiju „Radio retrospektiva“ u kojoj želimo zadržati fokus slušateljstva na najvažnijim događajima koji obilježe jednu sedmicu..

Subotom i nedjeljom u vremenskom intervalu od 13.00 do 13.55 sati nastavljamo sa emitiranjem emisija „Razgovor sa povodom“, odnosno „Sedmični intervju“ u kojima pružamo priliku za živu riječ o aktuelnom trenutku u društveno-političkom i kulturnom životu kantona i države BiH. Također tu su i emisije „O Svemu“, te „Aktuelno“.

U okviru dokumentarnog programa, prošle godine započeli smo sa emitovanjem serijala „Svjedoci vremena“ u kojem smo realizirali snimanje i emitiranje tekstova iz knjiga koje svjedoče o periodu 1992-1995. godina i ljudima koji su doživjeli traumatična iskustva u logorima i drugim situacijama u kojima su drastično narušena njihova ljudska prava i slobode.

U pogledu 2021. godine imamo u vidu i jednu ideju koju je moguće realizirati uz dodatnu opremu za prijenos, a radi se o emisiji koja bi se zvala «Radio market», u čemu bi nam trebala i aktivna saradnja marketinga naše kuće. Radi se o marketinški plaćenju, zabavno emisiji od 120 minuta sedmično koja bi se realizirala uz dogovor sa nekim od vlasnika šoping centara, a realizirali bi je direktno iz trgovačkih centara. U emisiji bi gostovali predstavnici te kompanije, zatim naši gosti, a redovan sadržaj bile bi nagradne igre i anketa sa građanima-kupcima.

4.5. Muzičko - revijalni program

Tokom godine intenzivirat ćemo ostvarene kontakte i mogućnosti u nabavci onih muzičkih sadržaja i edukativnih muzičkih proizvoda koji nam budu dostupni, a koje cijenimo potrebnim i poželjnim u našim programskim sadržajima. S obzirom na veliki broj događaja u muzičkom svijetu, kako u BiH, tako i šire, nastojat ćemo adekvatno pratiti iste, te takve događaje približiti našim slušateljima. Muzički festivali i drugi muzičko-revijalni događaji koji imaju svoje mjesto u godišnjim aktivnostima i tradiciji ovog podneblja su i u dosadašnjem periodu imali zaslužen mjesto u programskim sadržajima Radija, što namjeravamo i zadržati.

„Radio sehra“ je emisija koju emitujemo više od dva desetljeća, u kojoj afirmiramo sevdalinku kao autohtoni bh. kulturno-umjetnički i muzički izraz.. Pratimo sva zbivanja na muzičkoj sceni kako bi u tom pogledu bili aktuelni. Emisija Top lista, obuhvata interakcijski program sa slušateljima, koji nakon predloženih hitova biraju onaj koji je po njima toga dana najbolji, uvedena je krajem 2018.godine i nastavljamo sa njenim emitovanjem i tokom 2021.godine.

4.6. Marketinški program

Konkurencija na tržištu je sve veća. Mnogo je onih koji se danas reklamiraju kroz brže i tehnološki rasprostranjenije načine putem interneta. Tokom godine namjeravamo ojačati marketinšku prisutnost u javnosti. U tom pogledu a uz tijesnu saradnju sa Marketing službom preduzeća, namjeravamo aktivnije djelovati, kako bi opravdali dosadašnje povjerenje, ali i zadobili povjerenje većeg broja poslovnih subjekata u pogledu njihovog oglašavanja. Cijenimo da se upravo na ovom polju može napraviti poseban iskorak projektom mobilnog radija, tj. Radija koji bi na licu mjesta mogao kreirati programske sadržaje koje su bitne poslovnim subjektu, a što bi proizvelo marketinški i finansijski učinak za našu medijsku kuću. Direktni radijski prijenosi šireg spektra marketinških, ali i sportskih, kulturnih, edukativnih i drugih, slušateljstvu interesantnih događaja i sadržaja su realnost i praksa radijskih stanica u regiji i svijetu, te stoga i cijenimo potrebnim razvijati jedan takav projekt u okvirima Radija USK.

Osim svega navedenog, mislimo i planiramo razvijati ili biti dio određenih društveno-korisnih i odgovornih kampanja, ako što su kampanje o očuvanju zdravlja, bezbjednosti u saobraćaju i afirmaciji drugih društveno važnih tema.

4.7. Vjerski program

Petkom od 10.30 - 10.55 sati, emitiramo emisiju Duhovni svijet, što će se nastaviti i tokom 2021. godine.

U suradnji sa Medžlisom IZ Bihać, kao i ranijih godina, u planu je realizacija programa posvećenog mjesecu Ramazana, a što se odnosi na svakodnevni dvosatni vjerski program „Zore Allahove milosti“.

Uz ovaj sadržaj, a prije iftara prenosit ćemo do naših slušatelja i ramazanski program koji bude pripremila i realizirala TV USK. Za Ramazanski i Kurban Bajram emitirat ćemo prigodan cjelodnevni program po prilagođenoj programskoj šemi. Pored islamskih, adekvatnim programskim sadržajima pratit ćemo i blagdane, odnosno vjerske praznike i svetkovine i drugih konfesija, katoličke, pravoslavne i jevrejske, dajući im adekvatno mjesto u izvještavanju javnosti.

4.8. Sportski program

Sportski program Radija USK tokom aktuelne godine realizirat ćemo, kao i u ranijem periodu posredstvom Tokom 2021. godine nastavit ćemo kolažnu emisiju koja je u programu nedeljom, a svakog ponedjeljka u jutarnjem ili poslijepodnevnom terminu upriličit ćemo sedmični pregled važnijih sportskih dešavanja u USK-u, BiH i svijetu. Kako smo ranijih godina prakticirali, a što se pokazalo dobrim programskim sadržajem, i tokom ove godine u našem studiju ugostit ćemo brojne mlade sportiste sa područja USK i BiH ili predstavnike sportskih klubova i udruženja, dajući i na takav način priliku da upoznaju javnost sa njihovim radom i sportskim rezultatima. S obzirom na veliki broj sportskih dešavanja na području USK i BiH pokušat ćemo obezbijediti direktna javljanja u program naših novinara ukoliko nam ti događaji budu dostupni.

4.9. Web i prezentacija na društvenim mrežama

Web i prezentacija na društvenim mrežama radijskih stanica u BiH i svijetu je primjer dobre prakse što smo mi i ostvarili tokom 2016., 2017., 2018., 2019. i 2020. godine. Imamo FB stranicu koju dnevno posjeti više hiljada naših slušatelja, te mobilnu aplikaciju Radija USK, koji se sada putem interneta ali i mobilne aplikacije čuje u cijelom svijetu. Uskoro počinjemo sa live emisijama u video formatu na stranici radija na Facebooku. Sve više radio stanica koristi ovu mogućnost i to im omogućava još veću i bolju interakciju sa slušateljima. U toku je nabavka

opreme, a eksperimentalno smo već emitovali neke od sadržaja, što je rezultiralo ogromnim brojem lajkova i komentara, te brojem onih koji su prate našu stranicu. Ujedno smo i na Instagramu, gdje također bilježimo veliki broj pratilaca.

Ovaj vid komunikacije sa slušateljstvom namjeravamo unaprijediti, obzirom da je Radio USK dostupan slušateljstvu putem live streema, te posebno zbog činjenice da jedan veliki broj slušatelja programa, radijske programe prate posredstvom interneta. Ujedno pokrenuli smo i on line Radio USK2 koji emitira program 24.sata dnevno.

4.10. Ljudski resursi i kapacitet programa

Jedan od izraženih problema u kreiranju programa R USK su ljudski resursi. Težnja je da se odgovori kapacitetu radijskog programa, cijenimo da postoje objektivne mogućnosti da se radijska redakcija ojača sa većim dnevnim učešćem novinara, što će poboljšati kvalitet programa. Ovako samo dva radnika ako su zbog bolesti ili na bolovanju i godišnjem odmoru otežava nam rad. Nažalost, desilo nam se da su dva radnika onkološki pacijenti i to nam je dodatni problem u planiranju većeg broja emisija i sadržaja.

4.11. Težišni zadaci u 2021. godini

S obzirom na mogućnosti i prilagodljivost radija novim trendovima u pristupu slušateljstvu, cijenimo pozitivnim i značajnim korakom ukoliko uspijemo u razvoju projekta „pokretnog radija“, tj. radija koji bi određene programske sadržaje mogao realizirati u saradnji sa lokalnim radijima u općinama USK- na licu mjesta, čime bi bio bliži slušateljstvu i građanima USK. Tokom 2020. godine, to nažalost zbog pandemije, migrantske krize nismo mogli realizirati.

Obezbjeđenjem novih i poboljšanih emisionih uređaja, bez obzira na kvalitet programa koji proizvodimo, ukoliko isti nismo u mogućnosti da kvalitetno „isporučimo“ građanima USK, nećemo biti dovoljno konkurentni na prostoru koji dijelimo sa drugim radijskim stanicama. Na ovom planu učinjeni su ogromni iskoraci i čujnost dignuta na višu razinu, što ipak nije dovoljno.

Ono što je već započeto u ovom pravcu, sigurni smo da će u mnogome doprinijeti boljem i produktivnijem radu, ali i kvalitetu radijskog programa u cjelini. Ono što još jednom ističemo kao problem je nedostatak kadrova, koji bi mogli sve planirane sadržaje i realizovati prema sve većem broju slušatelja, kojih je na naše zadovoljstvo sve više. Neće zvučati neskromno, ali u posljednje tri godine Radio USK, dobio je epitete najboljeg Radija, od strane slušatelja. Posebno smo ponosni zbog toga. Povratne poruke dobijamo sa svih strana svijeta, od Amerike do Australije, gdje imamo redovnu slušateljsku publiku. Broj direktnih javljanja u program je umnogostručen, a Radio USK postao je prepoznatljiv brend, na ponos svih nas.

4.12. Zaključak


Neophodno je da u periodu 2020. - 2021. godina bude poštovana usvojena programska šema medija, uz obezbjeđenje profesionalnih zahtjeva i standarda, pri čemu je ključno obezbijediti novu dozvolu za emitovanje. To nije samo formalna obaveza, koja proizilazi iz postojeće dozvole za emitovanje dobijene od nadležnog nezavisnog regulatornog organa – Regulatorne agencije za komunikacije/RAK/, već i suštinska obaveza RTV USK koja proizilazi iz Zakona o elektronskim medijima o obavezi poštovanja javnog medijskog interesa ustanovljenog slobodnom voljom osnivača ovog medija – Skupštine USK-a.

RTV USK već dvadeset pet godina je podstanar u prostorijama Kulturnog centra i plaća pozamašnu kiriju. Oslanja se na 21 emisionu tačku na cjelokupnom prostoru USK, od kojih su samo na tri riješeni imovinsko-pravni odnosi. Emisiona oprema je u relativno lošem stanju /predajnici, linkovi, antene/, kao i vozni park Društva. Uz ovo neophodna je finansijska konsolidacija sa jasnim ciljevima i načinima obezbjeđenja vlastitih sredstava u čemu produkcija i marketing moraju odigrati najznačajniju ulogu.

Iz sveg ovog potrebno je u narednom periodu:

- daljnja finansijska konsolidacija preduzeća
- remont, reparacija i nabavka nove emisione opreme
- nastavak rješavanja imovinsko-pravnih odnosa
- kadrovsko jačanje-edukacija i usavršavanje postojećih kadrova

Napomena: Sastavni dio ovog Plana i programa je Finansijski plan koji je priložen.



Direktorica


Irma Pašić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
JP RTV UNSKO-SANSKOG KANTONA D.O.O
Ul.502.Viteške brigade 11
77000 B I H A Ć

Datum: 21.01.2021. godine
Broj : 36-04/2021

5. FINANCIJSKI PLAN ZA 2021. GODINU

DIREKTORICA



Irma Pašić

Program rada za 2021. godinu sa financijskim planom

5.1. Prihodi

REDNI BROJ	KONTO	OPIS KONTA	OSTVARENI PRIHODI U 2020.GOD.	PLANIRANI PRIHODI U 2021.GOD.	INDEKS
1.	6116	Prihodi od prodaje učinaka	462.491,52	500.000,00	1,08
2.	6501	Prihod od subvencija	27.110,00	80.000,00	2,95
3.	6502				
4.	6525	Prihoda po osnovu donacija	5.958,23	10.000,00	1,67
5.	6550	Prihodi iz budžeta	1.689.999,30	1.690.000,00	1,00
6.	6552	Refundacija bolovanja	34.042,61	18.000,00	1,89
7.	6558	Ostali prihodi iz drugih namjenskih izvora (investiciona ulaganja)	300.000,00	200.000,00	1,50
8.	6590	Upl od googla	1.324,76	1.500,00	1,13
9.	6792	Prihodi po osnovu otpisanih obaveza	1.598,27	1.500,00	1,06
10.	6910	Prihodi po osnovu ispravke grešaka iz ranijih godina	5.567,27	5.000,00	1,11
		UKUPNO:	2.528.091,96	2.506.000,00	

5.2. Rashodi

REDNI BROJ	KONTO	OPIS KONTA	OSTVARENI RASHODI U 2020.GOD.	PLANIRANI RASHODI U 2021.G.	INDEKS
I		Bruto plate i naknade troškova zaposlenih	1.908.161,52	1.919.500,00	
1.	5200	Bruto plate zaposlenih	1.684.833,46	1.690.000,00	1,00
2.	5230	Dnevnice za službena putovanja i troškovi smještaja	1.891,80	2.000,00	1,05
3.	5240	Naknada za ishranu u toku rada	146.872,31	150.000,00	1,02
4.	5242	Naknada troškova prevoza na i sa posla	24.289,55	25.000,00	1,02
5.	5243	Regres za godišnji odmor	31.200,00	32.000,00	1,02
6.	5244	Otpremnina prilikom odlaska u penziju	2.850,00	3.000,00	1,05
7.	5245	Jubilarne i druge nagrade zaposlenima	673,50	1.000,00	1,48
8.	5247	Pomoć i naknada zaposlenicima po raznim osnovama-liječenje i u sluč.smrtnosti čl.uže por.	9.918,00	10.000,00	1,00
9.	5248	Ostale isplate, naknade troškova i materijalna prava zaposlenih-bajramluk i bon za 8.Mart	5.367,53	6.000,00	1,11
10.	5249	Naknada za troškove edukacije	265,37	500,00	1,88

Program rada za 2021. godinu sa financijskim planom

II		Izdaci za materijal i usluge	452.668,92	386.500,00	
11.	5112	Utrošeni materijal za tekuće i investiciono održavanje	3.164,84	3.000,00	1,05
12.	5116	Utrošeni kancelarijski materijal	2.555,42	2.500,00	1,02
13.	5117	Utrošeni materijal za održavanje čistoće	1.883,61	2.000,00	1,06
14.	5120	Utrošena električna energija	56.331,15	50.000,00	1,12
15.	5126	Utrošeno gorivo za transportna sredstva	8.289,08	10.000,00	1,20
16.	5148	Otpis sitnog inventara	4.802,05	3.000,00	1,60
17.	5271	Troškovi naknada članovima N.O.	3.680,22	2.500,00	1,47
18.	5274	Troškovi naknada članovima Skupštine društva	1.224,74	1.200,00	1,02
19.	5291	Troškovi naknada po osnovu Ug. o djelu, ug o autorskom honoraru i novinarska nagrada	4.574,64	3.000,00	1,52
20.	5302	Usluge studentskog servisa	29.693,76	20.000,00	1,48
21.	5304	Grafičke usluge	483,10	500,00	1,03
22.	5316	Usluge renta-car prevoza	208,38	200,00	1,04
23.	5320	Troškovi usluga tekućeg održavanja	1.271,73	1.000,00	1,27

Program rada za 2021. godinu sa financijskim planom

24.	5322	Usluge održavanja transportnih sredstava	5.681,74	5.000,00	1,13
25.	5324	Usluge održavanja softvera – održavanje domene	8.785,64	9.000,00	1,02
26.	5330	Troškovi zakupa poslovnog prostora	18.040,00	20.000,00	1,10
27.	5334	Troškovi zakupa opreme	2.450,00	2.000,00	1,22
28.	5350	Troškovi reklame u novinama i časopisima	200,00	200,00	1,00
29.	5352	Troškovi reklame putem panoa, plakata i sl.	2.755,00	2.500,00	1,10
30.	5355	Usluge sponzorstva u cilju reklame i prezentacije			
31.	5400	Amortizacija nematerijalnih sredstava	180.911,51	140.000,00	1,29
32.	5500	Troškovi zdravstvenih usluga	720,00	1.000,00	1,38
33.	5501	Troškovi komunalnih usluga	705,98	700,00	1,00
34.	5502	Troškovi računovodstvenih usluga	4.200,00	4.200,00	1,00
35.	5503	Troškovi revizorskih usluga	3.850,00	3.850,00	1,00
36.	5505	Troškovi notarskih i advokatskih usluga	906,00	1.000,00	1,10
37.	5507	Troškovi ostalih neproizvodnih usluga	2.499,00	2.000,00	1,24
38.	5510	Troškovi reprezentacije	8.384,27	8.000,00	1,04

))
Program rada za 2021. godinu sa financijskim planom

39.	5526	Troškovi premija osiguranja sredstava u transportu	1.800,00	1.800,00	1,00
40.	5530	Troškovi platnog prometa u zemlji	4.467,33	4.500,00	1,00
41.	5540	Poštanske usluge	1.384,86	1.300,00	1,06
42.	5541	Telefonske usluge	12.445,42	10.000,00	1,24
43.	5542	Usluge brze pošte	220,00	200,00	1,10
44.	5543	Usluge interneta	4.359,00	4.000,00	1,08
45.	5551	Naknada za zaštitu od prirodnih i drugih nesreća	4.958,44	5.000,00	1,00
46.	5552	Opća vodna naknada	4.958,44	5.000,00	1,00
47.	5553	Naknada za šume	1.796,66	1.700,00	1,05
48.	5557	Takse	176,49	200,00	1,13
49.	5558	Ostali porezi, naknade, takse i dadžbine	410,69	200,00	2,05
50.	5559	Pdv na koji nemamo pravo odbitka	8.599,77	8.000,00	1,07
51.	5561	Članarina privredim komorama	275,00	250,00	1,10
52.	5564	Članarine BIHAMK	275,00	250,00	1,10
53.	5592	Troškovi oglasa u štampi i drugim medijima	557,59	500,00	1,11

Program rada za 2021. godinu sa financijskim planom

54.	5593	Sudski i prateći troškovi			
55.	5594	Troškovi pretplate na službena glasila	720,39	1.000,00	1,38
56.	5595	Ostale nespomenute vanjske usluge (tv i izvođačka prava, rtv dozvole za emit prog)	36.489,28	36.500,00	1,00
57.	5598	Ostali nematerijalni troškovi (ovjera, štampa, izrada fotografija)	1.285,32	1.000,00	1,28
58.	5616	Zatezne kamate (rn.el.energ ,kamata BH Pošta)	54,75	50,00	1,09
59.	5618	Kamata na najam	2.693,67	2.700,00	1,00
60.	5782	Rashodi po osnovu ispravke vrijednosti i otpisa sumnjivih i spornih potraživanja	4.550,50	3.000,00	1,51
61.	5910	Rashodi po osnovu ispravke grešaka iz ranijih godina	1.938,46	1.000,00	1,93
		UKUPNO:	2.360.830,44	2.306.000,00	

5.3. Investiciona ulaganja – kupovina i sanacija

REDNI BROJ	KONTO	OPIS KONTA	IZNOS
1.	0220	Investiciona ulaganja	200.000,00
	UKUPNO:		200.000,00

5.4. Rekapitulacija planiranih rashoda

REDNI BROJ	VRSTA RASHODA	IZNOS
1.	Bruto plaće i naknade troškova zaposlenih	1.919.500,00
2.	Izdaci za materijal i usluge	386.500,00
3.	Investiciona ulaganja	200.000,00
	UKUPNO:	2.506.000,00

5.5. Zbirna rekapitulacija

REDNI BROJ	OPIS	IZNOS
1.	PLANIRANI PRIHODI ZA 2021. GODINU	2.506.000,00
2.	PLANIRANI RASHODI ZA 2021. GODINU	2.506.000,00

JP Radio-televizija Unsko-
sanskog kantona d.o.o. Bihać
502.Viteske brigade, 77000
Bihać, BiH
Tel/fax: 037/222-701;
Redakcija: 037/222-705 Desk: 037/226-198;
Marketing: 037/226-487; Radio: 037/222-679



www.rtvusk.ba

Public company Radio-
television of Una-Sana Canton
502.Viteške brigade 11,
77000, Bihać, BiH
Tel/fax: +387/37/222-701; Desk 226-198;
Marketing: 226-487; Radio: 222-679

Broj: 02 -01/21
Bihać, 03.02.2021. godine

Na osnovu člana 6., a u skladu sa članom 23. Zakona o javnim preduzećima u Federaciji Bosne i Hercegovine („Sl. novine FBiH“ broj: 8/05, 81/08, 22/09 i 109/12), člana 26. alineja 7. Statuta Javnog preduzeća „Radio televizija Unsko – sanskog kantona“ društva sa ograničenom odgovornošću Bihać i Odluke Nadzornog odbora o usvajanju i podnošenju Skupštini Društva Programa rada sa Finansijskim planom JP „RTVUSK“ za 2021. godinu broj: 55-02/21 od 01.02.2021. godine, Skupština Društva na svojoj redovnoj 04. sjednici održanoj dana, 03.02.2021.godine donosi

ODLUKU

o usvajanju i podnošenju godišnjeg Programa rada za 2021. godinu sa Finansijskim planom JP „RTVUSK“ D.O.O. Bihać Skupštini USK

Član 1.

Usvaja se godišnji Program rada sa Finansijskim planom za 2021.godinu JP „RTVUSK“ D.O.O. Bihać i podnosi Skupštini USK na razmatranje i konačno usvajanje.

Član 2.

Skupština Društva prihvata Finansijski plan u kojem su iskazani ukupni prihodi u iznosu od 2.506.000,00 KM, a ukupni rashodi u ukupnom iznosu od 2.506.000,00 KM


Član 3.

Zadužuje se Uprava Društva i sekretar Skupštine Društva da usvojeni Program rada sa Finansijskim planom za 2021.godinu prosljedi Osnivaču Društva u redovnu proceduru razmatranja i usvajanja.

Član 4.

Odluka stupa na snagu danom donošenja.

PREDSJEDNIK SKUPŠTINE
DRUŠTVA


Edis Softić

Dostavljeno:

1. predsjedniku Skupštine Društva
2. predsjedniku Nadzornog odbora Društva
3. direktoru Društva
4. Ministarstvu obrazovanja, nauke, kulture i sporta USK-a
5. Odjeljenju računovodstva Društva
6. sekretaru Skupštine Društva
7. arhivi Skupštine Društva
8. a/a

Identifikacijski broj: 4263246960009; Porezni broj: 11001801; PDV broj: 263246960009;

Transakcijski račun: UniCredit bank dd Filijala Bihać: 3385002200164104; e-mail: sekretar.rtvusk@rtvusk.ba

Na osnovu člana 96. stav (2) Poslovnika o radu Skupštine Unsko-sanskog kantona (" Službeni glasnik Unsko-sanskog kantona " broj 9/17.), na prijedlog Vlade Unsko-sanskog kantona, Skupština Unsko-sanskog kantona, na sjednici održanoj _____ 2021. godine, d o n o s i :

ZAKLJUČAK

I

Prihvata se Program rada za 2021. godinu sa finansijskim planom JP " RTV USK-a " d.o.o. Bihać.

II

Ovaj Zaključak stupa na snagu narednog dana, od dana objavljivanja u Službenom glasniku Unsko-sanskog kantona.

Predsjedavajući Skupštine
Unsko-sanskog kantona

Broj: _____ 2021
Bihać, _____ 2021. godine